



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Canones Concilii Anonymi Ex Antonii Avgvstini Codice.

urn:nbn:de:hbz:466:1-15967

beram potestatem adulteria & scelera inquirere, vlcisci, & iudicare, secundum quod Canones censuerunt, absque impedimento alicuius. Et cum opus fuerit, ad comprimendos rebelles & contemptores publicum placitum conuocent, non ad præiudicandum, sed potius ad ea quæ Deo placita sunt, & saluti animarum conueniunt, prosequendum.

ANNO
CHRISTI
904.

NOTA.

¹ *Concilium.*] Inter decimumquartum & decimumquintum capitula in codice Antonii Augustini, teste Baronio, interposita leguntur duodecim capitula alterius cuiuspiam Concilii, quæ ob venerandam antiquitatem digna sunt meo iudicio quæ hoc loco edantur & subiiciantur.

CANONES CONCILII ANONYMI

EX ANTONII AVGVSTINI CODICE.

I.

VT comes inter honores suos rapinam exercitus legi subiiciat.

II.

Vt imperiales homines ad colloquium siue seruitium imperatoris properantes suis stipendiis sint contenti.

III.

Vt nullus comitum * arimannos in beneficia suis hominibus tribuat.

IV.

Vt homines comitum nullatenus in domibus arimannorum resideant, sed domos reipublicæ instaurent, ibique resideant.

V.

Vt scriptoribus publicis nullatenus interdica-

* f. legendum hic arimannos. vax Franca, frequens. in lib. 3. capitul. cap. 14. 18. 35. 67. 68. & ibi a scriba sic pro tribuere usurpatis ponitur, sed hic pro persona.

ANNO
CHRISTI
904.
* al. vi-
* tandi

tur res arimannorum transcribere, si quando eis fuerit opportunum. Quod si occasione * vitandi exercitus, aut placitum, venditæ fuerint, & ipsi eas pendere superfederint, exigatur ab eis vtrumque, sicut ante transcriptionem.

V I.

Vt ipsi arimanni frequentius quam in lege statutum est, ad placitum ire non cogantur, nec a comitibus nec a sculdalifis.

V II.

Vt bannum missi exercitus imperialis solummodo exigant.

V III.

Vt pastus imperatoris ab episcopis & comitibus secundum antiquam consuetudinem solvatur. Quod si nouo tempore fiscus comitalis in ius ecclesiasticum conuersus est, augeatur stipendium imperiale ab ecclesia, iuxta quod res publicæ fuerint minoratæ.

I X.

Vt omnis decimatio ab episcopo, vel his qui ab eo substituti sunt præbeatur, nullusque eam ad suam capellam, nisi forte concessione episcopi, conferat. Quod si fecisse contigerit, primum legibus subiaceat humanis, postea excommunicatione populi constrictus, ad vltimum ipsa capella, quæ magis contentionem quam vtilitatem aliquam præstat, destruatur.

X.

Vt plebes ecclesiæ nullatenus aut comitibus, aut episcoporum vassallis, aut vllis laicis in beneficia tribuantur.

XI.

Vt in domibus ecclesiarum, neque missus, neque comes, vel iudex, quasi pro consuetudine, neque placitum, neque hospitium vendicent, sed in publicis vicis domos constituent, in quibus placitum teneant, & secundum antiquam consuetudinem hospitentur.

XII.

Vt singulæ plebes archipresbyterum habeant, propter assiduam ergo populi Dei curam singulis plebibus archipresbyteros præesse volumus, qui non solum imperiti vulgi sollicitudinem gerant, verum etiam eorum presbyterorum, qui per minores titulos habitant, vitam iugi circumspeditione custodiant, & qua vnusquisque industria diuinum opus exerceat, episcopo suo renuntient; nec obtendat episcopus, non egere plebem archipresbytero. Quod si ipse gubernare valeat, quia est valde idoneus, decet tamen vt partiatur onera sua, & sicut ipse matrixi præest, ita presbyteri præsent plebibus, vt in nullo titubet ecclesiastica sollicitudo. Cuncta tamen ad episcopum referant, nec aliquid contra eius decretum ordinare præsumant.

CONCILIVM RAVENNATE

LXXIV. EPISCOPORVM IN EADEM CAUSA
Formosi & Stephani Romanorum pontificum anno
Domini DCCCCIV. celebratum, tempore Ioannis pa-
pæ IX. & Lamberti imperatoris.

Prælocutio pontificis.

QUIA diuina inspirante misericordia vestra nobiscum
conuenit fraternitas, vt nutu sancti Spiritus, qui suis
nun-